

# NEWSLETTER YA DITHO



2020 LEKWALO LA BOBEDI



## MOLAETSA HO TSWA PO YA NAKWANA

### Setho se Rategang

**H**a ho kgolwehe hore 2020 e se e tlo fela mme e bile selemo se nang le diphephetso. Lebitsong la Letlole, ke rata ho fetisa mantswe a matschediso ho bohle ba ileng ba hloka hallwa ke baratuwa ba bona ka lebaka la COVID-19, mme bao ba anngweng ke kokwanahloko ke rapella hore ba hlaphohelwe ka pele. Sewa sena se amme lefatshe ka bophara hampe mme re tshepa ha boima bo se bo fetile. Melao ya taolo

ya motsamao e bebofaditswe haholo, empa kokwanahloko yona e ntse e le teng. Tswelapele ka mehato ya ho itshireletsa hammoho le bao o nang le bona.

Haeba o ntse o ipotsa hore COVID-19 e amme jwang melemo ya hao ya ho beha mejafatshe, re entse tokomane ka tsohle tseo o hlohang ho di tseba ka kgahlamelo ya COVID-19 melemong ya hao ya ho beha mejafatshe.

Esale re sebetsa ka thata ho sa kgathaletsehe boemo ba sewa, ho etsa bonnete hore ditsetlebo tsa hao di rarollwa ka nako. Jwalo ka ha re boletse, re motlotlo hore re kgona ho o thusa mmoho le bajalefa ba hao ka ditsetlebo o nang le tsona, re bua mahlo-mahlong mme ke hona ditsi tsa rona tseo o tlang ho tsona di tla be di sebetsa ka botlalo.

Re boetse re na le ditaba tse monate tseo re batlang ho o tsebisa tsona ka tokomane ya rona ya lesedi e mabapi le Masibambisane rewards programme. Ka 2018 re entse dipatlisiso ka tsa mebaraka ka ditlhoko tsa bareki ba rona mme diphetho di bontsha ha ditho tsa rona di batla lenaneo mo di tlang ho una meputso ho lona. Re motlotlo ho o tsebisa hore lenaneo la ho putsa ditho tsa rona le teng! Bala tsohle ka lona leqepheng la 2 O na ke mokgwa wa ho o leboha ka ho kgetha MWPF mme re tshepa ha re tla ba le tshebedisano ya nako e telele le wena e nang le moputso.

E bile thabo ho nna ho o sebeletsa ke le PO ya nakwana dikgweding tse tshelletseng tse fetileng mme ke rata ho amohela PO e ntjha, Mongh. Frans Phakgadi ya qadileng letloleng ka la 01 Phato 2020. Re motlotlo ho tla sebetsa le yena mme re tseba a tlii tiisa boleng bo matla Letloleng.

Ha re phethela, re tshepa ha tokomane ena ya lesedi e tla o thusa ka seo o hlohang ho se tseba. Selemo sa 2020 ha se ya qala ho ya kamoo re neng re rerile, empa ha re sebedise nako e setseng le ho phethela ka sefutho.

### Re o lakaletsa mahlohonolo mmoho le lelapa la hao.

Re ya leboha

### Amma Amparbeng PO le CFO ya nakwana

Ho tsebahatsa  
Masibambisane  
Rewards e NTJHA  
- pg 2

Haufinyana ho tla  
mofani e motjha  
wa tshebeletso ya  
kadimotjhelete ya  
matlo - pg 3

Matlole a  
ho Beha  
Mejafatshe -  
pg 3

App ya MWPF  
e se  
e le teng - pg 4

Tlhokome-  
diso ka  
Boqheka-  
nyetsi  
Pg 5

Dikgetho tsa  
ditho tse behang  
mejafatshe -  
pg 5

Di-roadshow  
Ka ditjhelete  
tse so  
patalwe -  
Pg 5

Seo o hlohang ho se  
tseba ka kgahlamelo ya  
COVID-19 letloleng la  
dipolokelo tsa ho beha  
mejafatshe - pg 6

# Ho tsebahatsa Masibambisane Rewards e NTJHA

**O**e kopile mme re arabile! Lenaneo la Masibambisane Rewards Programme le fa ditho hammoho le batho ba babedi ba lelapa ba kgethilweng ke ditho ho fumana ditheolelo tse ikgethang mabenkeleng a Shoprite, Checkers, Boxer le Checkers Hyper.

Ditho kaofela hammoho le ba lelapa ba kgethilweng di tla fumana ditheolelo ha di reka kerosari di sebedisa dikhupone tsa pampiri kapa tsa dijitala. Lata bukana ya hao HR mme o qadise ho boloka. Hlokomela hore, ho tla ba teng bukana e ntjha e nang le dihlahiswa tse ntjha dikgweding tse ding le tse ding tse tharo mme dihlahiswa di fellwa ke nako dikgweding tse tshetseng.

## Mokgwa wa ho fumana ditheolelo

### 1. Bukana ya dikhupone

Kgaola dikhupone tsa hao ha o ilo reka mabenkeleng a Shoprite, Checkers kapa Boxer, khuponeng moo ho na le dihlahiswa tse bapaditsweng. Fana ka khupone le sehlahiswa thiling mme o tle o fumane theolelo sehlahisweng seo hanghang. Masibambisane Rewards Grocery Discount Booklet e tshwana le tjehele ka diatleng tsa hao ke hona e boloke hantle!

**Masibambisane Rewards Grocery Discount Booklet e tshwana le tjehele ka diatleng tsa hao ke hona e boloke hantle!**

### 2. Dikhupone tsa dijitala

- Fumana dikhupone tsa hao ka mobisite: [www.mwpprewards.co.za](http://www.mwpprewards.co.za) kapa dial \*120\*207# selefounung ya hao.
- Setho sa mantlha se ka login-a ka ho sebedisa - Nomoro ya indasteri.
- Setho sa lelapa se kgethilweng se ka login-a ka ho sebedisa - Nomoro ya ID.

- Sheba mme o kenye dikhupone tseo o di kgethileng ka basketeng.
- Ho fumana khupone ya theolelo, tobetsa "My Basket" le "Check out Basket". Tlo le SMS ya khupone ya hao ha o tlo reka mabenkeleng a Shoprite kapa Checkers, sheba sehlahiswa se bapaditsweng khuponeng. Fana ka khoutu ya khupone ho thelara mmoho le sehlahiswa ha o fihla thiling o tle o fumane theolelo sehlahisweng seo hanghang. Etsa bonnete ba hore o nka sehlahiswa se nepahetseng (Boima, Brand, Tlhaloso) hore o tle o fumane theolelo.

## Mokgwa wa hore ditho tsa lelapa di kgone ho sebedisa Masibambisane Rewards ya hao

Setho ka seng sa MWPF se ka dumella ditho tse pedi tsa lelapa ho sebedisa Masibambisane Rewards. Tsela ya ho etsa seo, ke ena:

### Kgetho ya 1

Romela SMS ya mahala le nomoro ya hao ya indasteri, nomoro ya ID ya setho sa lelapa mmoho le nomoro ya mohala ya setho sa lelapa ho 49967. Ho kgetha setho sa bobedi sa lelapa, etsa jwalo ka ho entse ha o kgetha setho sa pele.

### Kgetho ya 2

Letsetsa Setsi sa Mehala sa MWPF ho 010 100 3000. Dial \*120\*207#, login-a lenaneong mme o kgethe "nominate a family member", le ho latela ditataiso.

## Reka o thabile!



# HAUFINYANA HO TLA MOFANI E MOTJHA WA tshebeletso ya kadimotjhelete ya matlo

**R**e motlotlo ho o tsebisa hore re thontse First National Bank (FNB) ho ba mofani wa tshebeletso ya kadimotjhelete ya matlo, ho o fa kgetho e batsi, ka ha e eketsa ho mofani a seng a ntse a le teng. Jwalo ka ha FNB e se e le mofani e motjha wa tshebeletso, o tla fumana monyetla wa ho bapisa le ho kgetha mofani ya kgotsofatsang ditlhoko tsa hao.

## Ho FNB o ka fumana tse latelang:

- Tswala e sa fetoheng e lefswang ke dibanka (E tla ba le Prime minus ya 0.5%)
- Tefiso ya ho qala tumellano ya R490 Ho kenyeletswa VAT
- Tefiso ya kgwedi le kgwedi ya tsamaiso ya R69.00 Ho kenyeletswa VAT
- Nako e badilweng ya ho lefa ke dilemo tse 20 (dikgwedi tse 240)
- Kgetho ya inshoreense ya bophelo ya R2.49 ho R1 000.00 ka nngwe Poremiamo e lefella melemo e latelang:
  - o Tefello ya Lefu - Ho leshwa tjehelete kaofela e saletseng.
  - o Tefello ya Ho Qhwalla Ruri le ho Qhwala ka Hohlehohle (PTD) - Ho leshwa tjehelete kaofela e saletseng.
  - o Tefello ya ho fokotswa mosebetsing - Ho leshwa ho fihlela dikgweding tse 12 tsa instalmente ya kgwedi le kgwedi.
  - o Ho Qhwala Nakwana le ho Qhwala ka Hohlehohle (TTD) - Ho leshwa ho fihlela dikgweding tse 12 kapa ha o se o fodile, ho tla ya ka hore ke efe e tlang pele.



Re tla tsebisa ka letsatsi haufinyana le ka tsamaiso ya ho etsa kopo ya kadimotjhelete ya ho reka ntlo. Ha nakwaneng ena, ebang o na le dipotso, ka kopo ikopanye le setsi sa rona sa mehala ho 010 100 3001.

## Matlole a ho Beha Mejafatshe a etseditswe ho tsamaisana le ditlhoko



**R**e motlotlo ho ba maemong a ho fa ditho tsa rona melemo e etseditsweng ho thusa ditlhokong tsa tsona. Maikemisetso a rona ke ho etsa phapang bophelong ba hao ka mora nako e telele o behile mejafatshe, mme ke hona re motlotlo ho tsebisa hore ebang o ile wa nyollwa maemong a tsjhebetso wa ya sebetsa lekaleng le leng, ha ho hlokehe hore o fetole botho ba letlole. Ka mantswe a mang o ka nna wa dula ho MWPF le ho tswelapele ho fumana melemo ya hao ya maemo a hodimo.

Hodima moo, ebang o ile wa nyollwa mme wa tshwanela ho kena letloleng le leng, o dumelletswa ho kgutlela letloleng la hao la sethatong.

O ka nna wa ba setho sa MWPF bophelo bohle le ha o ka nyollwa maemong a mosebetsi.




# App ya MWPF e se e le teng


Re motlotlo ho o tsebisa hore app ya rona e ntjha e se sebetsa. O se o ka kgona ho fumana ditateme tsa melemo ya hao, ditokomane tse fanang ka lesedi le tse ding tse ngata ka kotloloho ka selefounu ya hao.

Ho fumana app, o ka e downloada ho Google Play Store founong ya hao ya android.


Ha o se o kgethile "Play store" batla "Mineworkers Provident Fund" mme o kgethe "Install" jwalo ka ha ho bontshitswe ka fatshe.



Ka mora ho kgetha "Install" ho tla hlaha skreen se ka fatshe.



Ho tloha moo o tla login-a o sebedisa dintlha tsa nakwana tseo Letlole le tlang ho di romela ho wena ka SMS. Ha o login-a, ho tla hlahella "Forgot Password" e tlang ho o tataisa hore o kenye dinomoro tsa founu ya hao tse ngodisitsweng kapa aterese ya emeile. Ka mora moo o tla romellwa One-Time Password (OTP) ka SMS kapa emeile. Kenya nomoro ya OTP o e fumaneng. Hang ha password e atlehile, o tla tswelapele ho login-a ka password ya hao e ntjha.



Ha app e se qetile ho downloada founong ya hao, ho tla hlaha skreen se ka fatshe.



Ha o se o login-ne o tla kgona ho iketsetsa porofaele le ho kenya senepe ha o batla. O se o tla kgona ho fumana setateme sa melemo ya hao, boleng ba dipheletso tsa hao mme o kgone le ho fetola dintlha tsa hao tse kang aterese, nomoro ya selefouno le bajalefa. O tla boela o kgona ho sheba dintlha ka melemo ya lefu, ho qhwala, ho beha mejafatshe, ho fumana moputso bophelo bohle hammoho le ka Masibambisane Rewards Programme.

Jwale o ka fumana lesedi kaofela leo o le hlokang ha bonolo feela. Bakeng sa dipotso o ka re letsetsa ho 010 100 3000.



# TLHOKOMEDISO

## KA BOQHEKANYETSI

**K**a Motsheanong re o romelletse tlhokomediso ka diketsahalo tse ntseng di etsahala tsa boqhekanyetsi, moo ditho tse sa tswa beha mejafatshe tse lebelletseng meputso ho tswa ho MWPF, di neng di letsetswa ke baqhekanyetsi ba ikgakantse e ka ke dikhonsaletente tsa MWPF. Ditho tse na di ne di koptjwa hore di time difouno tsa tsona metsotswana le ho boela di dibula hape.

Baqhekanyetsi ba ne ba etsa sena hore ditho di se fumane melaetsa ho tswa dibankeng ka tjehele e hulwang diakhaonteng tsa tsona. Ka kopo hlokomela hore MWPF e ke ke ya founela ditho tsa yona le ho di kopa ho tima difouno tsa tsona. Re boetse re ke ke ra kopa ditho tsa rona ho netefatsa dintlha tsa tsona tsa bankeng. Re o kopa hore o be sedi mme ebang o sena bonnete hore o ka letsetsa ho kae, ikopanye le rona ho 010 100 3000 ho netefatsa.



**R**e ya tseba hore ho teng dikampane tse mmalwa tse lahlehang basebeletsi ba mehleng ba merafong ka hore ho na le ditjehele tsa bona tse so patalwe Basebeletsi ba mehleng ba merafong ba bollellwa hore dikampane tse na di tla kenya ditlleimo lebitsong la bona, empa ba koptjwa ho lefa tjehele hore sena se etsahale. Ho bohlokwa ho tseba hore MWPF ha e batle tjehele le ha e le efe ho sheba ebang basebeletsi ba mehleng ba morafong ba na le ditjehele tse so patalwe. Ebile ha re batle ho leshwe tjehele hore o fumane ditjehele tse so patalwe.

Bao ba batlang ho sheba ebang ho teng ditjehele tse so patalwe ba ka ikopanya le MWPF ka kotloloho mme ha ho hlokehe motho wa boraro. Ebang o koptjwa kapa mosebeletsi wa mehleng wa morafong a koptjwa ho lefa tjehele, seo ke bonokwane mme MWPF ha se karolo ya ketsahalo eo.




## Dikgetho tsa ditho tse behang mejafatshe

**N**a o ne o tseba hore re fana ka melemo ya ho thoba maikutlo ka ho beha mejafatshe dithong tse seng di tlo beha mejafatshe, ho netefatsa hore di ya tseba ka dikgetho tsa tsona ka mora ho beha mejafatshe? Haeba o se o tla beha mejafatshe dikgweding tse mmalwa tse tlang, seo o tlamehang ho se etsa ke ho romela lebitso le dinomoro tsa hao tsa mohala ho 071 887 6515, mme moeletsi ka melemo ya ho beha mejafatshe o tla ikopanya le wena ka mohala ho hlophisa letsatsi la ho kopana le wena, moo a tlang ho o thusa ka dikgetho tsa hao tsa ho beha mejafatshe. Ha ho ya fella moo, re boetse re fana ka sehlahiswa sa Income For Life moo o fumanang tjehele e netefaditsweng kgwedi le kgwedi bophelo bohle. Ha nako ya ho beha mejafatshe

e fihla o ka kgetha ho nka tjehele ya hao kaofela kapa karolo ya tjehele ya hao e le kontane, mme e setseng wa nka sehlahiswa sa Income For Life kapa o ka sebedisa tjehele yohle ya hao o e kenye ho Income For Life.

Ebang o hloka hloka dilemong tse 10 o behile mejafatshe, bajalefa ba kgethilweng ba tla fumana tjehele sekolokoto, tjeheleteng e setseng.

Haeba o se o tla beha mejafatshe mme o batla ho fumana lesedi le leng, romela 'quote' le nomoro ya hao ho **071 887 6515** mme khonsaltente ya MWPF e tla o letsetsa



# Seo o hlohang ho se tseba ka kgahlamelo ya COVID-19 letloleng la dipolokelo tsa ho beha mejafatshe

## 1 Dipoloko tsa ka letloleng la ho beha mejafatshe di anngwe jwang ke lockdown?

Dipoloko tsa ditho tsa ho beha mejafatshe di amehile ha mpe mpe ke lockdown ya Covid-19. Provident Fund ya Basebeletsi ba Merafong e se e kentse tshebetsong leano la peheletso ya nako e telele, le reretsweng ho hodisa dipoloko tsa hao, hore o behe mejafatshe o phuthulohile. Letlole le hodisa dipoloko ka ho beheletsa dinyehelo tsa hao mebarakeng ya ditjhelete, ka ho beheletsa dikampaneng tse ho Johannesburg Stock Exchange le ho New York Stock Exchange hammoho le ho reka di-bonds tsa mmuso le mekgwa e meng ya dipoloko. Ho qhoma ha Covid-19 ho bakile tshabo lefatshe ka bophara, ka ha ho se motho a neng a ka utlwisisa kgahlamelo ya kokwanahloko ena moruong wa lefatshe. Ka lebaka leo, mebaraka e ile ya rekisa ka matla mahareng a Hlakola 2020 ho ya mafelong a Hlakubele 2020, empa ya qala ho tsitsa moo Provident Fund ya Basebeletsi ba Merafong e nyolohileng ka 0.89% ho tloha kgwedeng e fetileng ka la 31 Phato 2020, mme e nyolohile ka 5,33% ngwahola, le ha ho bile le kgahlamelo ya COVID-19. Ho bohlokwa ho tseba hore leeto la kgodiso ya tjhelete ke leeto la nako e telele, le nang le mathata a mangata. Letlole le qetsetse ho thulana le maemo ana ka 2007- 2008 nakong ya mathata a ditjhelete lefatshe ka bophara, nakong eo ho rekiswa ha dipeheletso ho neng ho tshwana le hona jwale mme mebaraka ya boela ya iphumana, Le ha ho le jwalo, ho bohlokwa haholo ho dula o tsepamisitse maikutlo ka ho beheletsa nako e telele mme o se setiswe ke diketsahalo tse kang tsena, tse etsahalang nako le nako.

## 2 Letlole le etsa eng ho sireletsa dipoloko tsa ka tsa ho beha mejafatshe hore di se fokotsehe ho ya pele?

Letlole le laolwa ke Boto ya di-Trustees e nang le boikarabelo ba taolo ya ditjhelete ho hlokomela dipoloko tsa ditho ka makgethe le maikemisetso. Di-Trustees di tshehetswa ke Dikhonsaltente tsa Di-peheletso tse thontsweng hoba le boikemelo, hore di eletse le ho tataisa di-Trustees malebana le ho rala hammoho le ho kenya tshebetsong leano la dipeheletso la nako e telele. Leano la Letlole ke ho hlokomela dipeheletso nakong ya kotsi e kgolo, ka ho etsa bonnete hore karolo ya bohlokwahadi ya Letlole e beheletswa moo kotsi e leng nyane le dipeheletsong tse tshireleditsweng. Sena se netefatsa hore dinakong tse kang tsena tsa lockdown, kgahlamelo ho ditho e ba e nyane ho feta boemo ba ho putlama ha mebaraka ya ditjhelete. Letlole le tswelapele ho hlokomela maemo le ho nka mehato e tshwanetseng ho fokotsa kotsi, e ka kgonang ho laoleha.

## 3 Na dipoloko tsa ka tsa ho beha mejafatshe di tla fokotseha ho ya pele?

Ha ho ya hlaka hore lockdown lefatshe ka bophara e tla nka nako e kae le hore na ho rekiswa ha dipeheletso mebarakeng ya ditjhelete ke ntho ya nakwana kapa e tla tswelapele. Haeba lockdown e ka tswelapele re ka nna ra bona mebaraka ya ditjhelete e fokola ho ya pele, e leng se ka fokotsang dipoloko tsa hao tsa ho beha mejafatshe. Le ha ho le jwalo, ho tseba hore dikotsi tse matla di ya etsahala nako le nako, ho bohlokwa haholo ho dula o tsepamisitse maikutlo peheletsong ya nako e telele.

## 4 Mebaraka e tla iphumana neng?

Ha re tsebe hore mebaraka e tla tsitsa neng ebile re sa utlwisisi ka botlalo tshenyoye ya nako e telele moruong wa lefatshe, ka lebaka la lockdown. Seo re se tsebang ke hore mebaraka ya ditjhelete e arabela ka potlako mme ditaba tsa ho fokotseha ha Covid-19 lefatshe ka bophara le ho fokotseha ha palo ya batho ba tshwaetsehang, ho ka etsa hore mebaraka e iphumane ka pele-pele le ho kgutlisa ditahlehelo tse etsahetseng kgale. Letlole le boetse le latela maano a fapaneng a ho beheletsa, se bolelang hore ka dinako tsohle ho na le dikarolo tse itseng tsa portfolio tse tla sebetsa hantle le tse ding tse ke keng tsa sebetsa hantle haholo. Le ha ho le jwalo, kamoo Letlole le radilweng ka teng le thehile tshireletso ya bohlokwa kgahlano le ho theoha ha mebaraka, e le ho thusa maemong a kang ana a kotsi, mme le ka nna la ba le kabelo kgolong, ha mebaraka e iphumana.

## 5 Ke tshwanela ho etsa eng jwalo ka ha ke le setho nakong ena?

Ho bohlokwa hore ka dinako tsohle o dule o hopola hore dipoloko tsa ho beha mejafatshe ke peheletso ya nako e telele le hore ho fetofetoha peheletsong ya nako e kgutshwane ho ya etsahala nako le nako mme sena se ka etsahala ka ho fumana dipolelo tse ngata le ka hore o be le tahlehelo e kgolohadi, jwalo ka ha re bona ho etsahala hona jwale. Ha ho hlokehe hore motho a tshohe ke ho fetofetoha ho etsahalang hona jwale le hore a dule a tsepamisitse maikutlo ho peheletso ya nako e telele ha a boloka bakeng sa ho beha mejafatshe.

## 6 Ho etsahala eng ebang ke tlohela ho nyehela letloleng la ka la ho beha mejafatshe?

Haeba o tlohela ho nyehela letloleng la ho beha mejafatshe nakong ena ya mathata, jwalo ka ha ho dumelletswa ke Financial Sector Conduct Authority, boleng ba ditjhelete tsa hao ba hona jwale, bo tla dula bo behleditswe letloleng le ho tswelapele ho fumana dipolelo. O ke ke wa eketsa ka dinyehelo tse ding tjheleteng ya hao e beheleditsweng ka nako ena. Ha mathata a se a fetile le dinyehelo di qalella hape, tjhelete ya hao e beheleditsweng e tla tswelapele e hole ka lebaka la dinyehelo tsa hao le dipolelo. Ha ho dikotlo kapa ditjeo tse lefshwang ka ho tlohela ka dinyehelo nakong ena.

## 7 Ke tla ameha jwang ha ke beha mejafatshe mafelong a 2020?

Haeba o ka beha mejafatshe mafelong a 2020, ho tla hlokeha hore o buisane le moeletsi wa matlole ka ho beha mejafatshe ya thontsweng ke Letlole, hore o rere hantle ho beha mejafatshe ha hao. Ka kopo ikopanye le Letlole ho hlophisa kopano le moeletsi. Jwalo ka ha ho boletswa ka hodimo Letlole le sebedisa mekgwa e fapaneng ya ho beheletsa ho ka sireletsa tjhelete ya ditho, hore e se beheletswa leanong le le leng. Mokgwa ona wa ho beheletsa dikarolong tse fapaneng hammoho le bolelele ba nako eo o beheletsang ka yona, di tshwanela ho o fa tshireletso o e hlohang ho qoba kotsi nakong ya maemo a boima.



# Ntjhafatsa dintlha tseo o fumanehang ho tsona.

Re batla hore o dule o na le tsebo ka lesedi la morao rao la letlole.

Ka kopo hopola ho ntjhafatsa dintlha tseo o fumanehang ho tsona haholo nomoro ya mohala le ya selefouno, ha ho ka etsahala tsa fetoha.


Ka mokgwa oo re ka tswelapele hore o dule o le leseding.



## Re ka thabela maikutlo a hao

Re na le Facebook le Twitter, tse ho fang lesedi ka diketsahalo tsa rona le dintlafatso tsa letlole. Dipotso di arajwa ka nako mme ditletlebo di rarolwa inthaneteng.

**Re latele ho Facebook le Twitter ho dula o tseba ka tse etsahalang:**

 <https://www.facebook.com/mineworkerpf>

 <https://twitter.com/Mineworkerspf>

Re kopa ditho tsohle ho sebedisa mehlodi yohle ya MWPF ho re thusa ho fa ditho tshebeletso e ipabotseng ka ho fetisisa.

